

Broj: 101-8807/26 DŽS *dr.s.*
Zenica, 20.08.2026. godine

Na osnovu člana 69., stav 2., tačke (d), člana 70., stav 1., 4., i 6. Zakona o javnim nabavkama („Službeni glasnik BiH“, broj 39/14, broj 59/22), na Preporuku Komisije za nabavku broj: 601-8805-1/26 DŽS od 20.08.2026. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

O D L U K U

o poništenju postupka za nabavku radne obuće i zaštitne opreme

LOT 2 – zaštitna oprema

I
Poništava se postupak javne nabavke za nabavku radne obuće i zaštitne opreme, LOT 2 – zaštitna oprema, iz razloga što nije zaprimljena nijedna prihvatljiva ponuda, u skladu sa članom 69., stav 2., tačka (d), Zakona o javnim nabavkama („Službeni glasnik BiH“, broj 39/14, broj 59/22, broj 50/24).

II
Za izvršenje ove Odluke zadužuje se Komisija za nabavke.

III
Ova Odluka objavit će se na web-stranici <http://www.vikze.ba/>, shodno članu 70., stav (6) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-7185/26 AB od 08.07.2026. godine. Javna nabavka je provedena putem otvorenog postupka sa zaključivanjem okvirnog sporazuma na period od 12 mjeseci.

Procijenjena vrijednost javne nabavke bez uračunatog PDV-a za LOT 2 je 20.000,00 KM.

Radi provođenja postupka nabavke imenovana je Komisija za nabavku (u daljem tekstu: Komisija) Odlukom broj: 101-8400/26 ME od 06.08.2026. godine.

Dana 08.07.2026.godine na Portalu javnih nabavki, istovremeno sa objavljivanjem Obavještenja o nabavci broj: 439-1-1-271-3-122/26 objavljena je i tenderska dokumentacija.

U prilogu se dostavlja Izvještaj o preuzimanju tenderske dokumentacije od strane ponuđača preuzet sa portala javnih nabavki dana 31.07.2026. godine.

Rok za dostavljanje ponuda je bio 31.07.2026. godine do 11:00 sati.

U prethodno navedenom roku, na protokolu JP „Vodovod i kanalizacija“ d.o.o. Zenica zaprimljene su tri ponude u zatvorenoj koverti, i to:

1. INKOS EXPORT-IMPORT d.o.o.
2. RM COMPANY d.o.o.
3. MAX TRGOVINE d.o.o.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3 (tri),
- da su blagovremeno zaprimljene 3 (tri) ponude,
- da nema neblagovremeno zaprimljenih ponuda 0 (nula),
- ukupno 25 (dvadesetpet) ponuđača je preuzelo tendersku dokumentaciju sa Portala javnih nabavki.

Komisija za nabavku je dana 20.08.2026. godine direktoru preduzeća dostavila Zapisnik o ocjeni ponuda broj: 601-8805/26 DŽS od 20.08.2026. godine sa preporukom o izboru najpovoljnijeg ponuđača:

Komisija za nabavke je dana 03.08.2026. godine, radi pružanja stručne pomoći u pregledu i ocjeni zaprimljenih ponuda, Zahtjevom, broj: 601-7185-4/26 DŽS, zatražila angažman stručnog lica – radnice preduzeća Amile Brkić-Omić. Zahtjevom je preciziran zadatak angažovanog stručnog lica.

U skladu sa navedenim, angažovano stručno lice je u zadatom roku dostavilo Mišljenje o usklađenosti dostavljenih ponuda sa zahtjevima iz tenderske dokumentacije, broj: 601-7185-5/26 ABO.

Komisija za nabavke je prihvatila dostavljeno Mišljenje.

Komisija je nakon toga izvršila evaluaciju pristiglih ponuda u skladu sa traženim uslovima u tenderskoj dokumentaciji, te izvršila i provjeru računske ispravnosti ponuda.

Nakon ocjene ponuda Komisija je sačinila Zapisnik o ocjeni ponuda broj: 601-8805/26 DŽS od 20.08.2026. godine i provjerom sadržaja i validnosti dokumentacije, utvrdila sljedeće:

Ponuđač INKOS EXPORT-IMPORT d.o.o. je dostavio samo podatke o ponuđaču, Aneks 2 i Izvod iz sudskog registra. Osim toga, ponuda nije uvezana, nije dostavljena kopija ponude, kao ni traženi uzorci.

Iz gore navedenih razloga ponuda ponuđača INKOS EXPORT-IMPORT d.o.o. je nepravilna (član 2., tačka 1., stav 3. Zakona o javnim nabavkama BiH), te se odbacuje u skladu sa članom 68., stav 4., tačka (i) Zakona o javnim nabavkama BiH („Sl. glasnik BiH, 39/14, 59/22, 50/24).

Ponuđač RM COMPANY d.o.o. je u obrascu za cijenu ponude ponudio 1 komad zaštitne maske sa cijelom obrazinom, a tenderskom dokumentacijom je traženo 10 komada navedenih maski.

Pregledom tehničke dokumentacije i ponude dalje je utvrđeno sljedeće:

Za stavku 2: „Ribarske čizme“ je utvrđeno da ponuđač nije dokazao ispunjenost traženih uslova. Iz dostavljene dokumentacije nije moguće očitati niti utvrditi da je ponuđeni model certificiran u skladu sa traženim standardom BAS EN ISO 20347 (sa zahtijevanim nivoima zaštite OB, E, SRA/SRC). Kako ponuđač nije dostavio jasne dokaze koji potvrđuju usklađenost sa traženim normama zaštite, ponuđeni artikal ne ispunjava uslove iz tenderske dokumentacije.

Za stavku 3: „Klompe“ je pregledom dostavljenog kataloškog materijala utvrđeno da je ponuđeni model raspoloživ u rasponu veličina od 36 do 43. Tenderskom dokumentacijom i tehničkom specifikacijom je zahtijevana isporuka klompi u rasponu veličina od 36 do 46. Obzirom da ponuđeni model ne pokriva traženi spektar veličina, ponuđeni artikal ne ispunjava u potpunosti uslove iz tehničke specifikacije.

Iz gore navedenih razloga ponuda ponuđača RM COMPANY d.o.o. je nepravilna (član 2., tačka 1., stav 3. Zakona o javnim nabavkama BiH), te se odbacuje u skladu sa članom 68., stav 4., tačka (i) Zakona o javnim nabavkama BiH („Sl. glasnik BiH, 39/14, 59/22, 50/24).

Ponuđač MAX TRGOVINE d.o.o. nije dostavio drugu stranu Aneksa 1, tačnije nije dostavio Izjavu ponuđača.

Pregledom tehničke dokumentacije i uzoraka utvrđena su odstupanja u odnosu na zahtjeve iz tenderske dokumentacije za stavku 5: „zaštitne rukavice kratke radne proturezne“. Tenderskom dokumentacijom i tehničkom specifikacijom je zahtijevana debljina premaza rukavica koja je manja ili jednaka 0,9 mm. Pregledom dostavljenog kataloškog/tehničkog lista ponuđenog artikla, utvrđeno je da je debljina premaza 1,3 mm. S obzirom na to da ponuđena debljina premaza prekoračuje maksimalno dozvoljenu granicu definisanu tenderskom dokumentacijom, ponuđeni artikal ne ispunjava tražene tehničke karakteristike.

Iz gore navedenih razloga ponuda ponuđača MAX TRGOVINE d.o.o. je nepravilna (član 2., tačka 1., stav 3. Zakona o javnim nabavkama BiH), te se odbacuje u skladu sa članom 68., stav 4., tačka (i) Zakona o javnim nabavkama BiH („Sl. glasnik BiH, 39/14, 59/22, 50/24).


Shodno prethodno navedenom, Komisija je dala Preporuku da se poništi postupak nabavke jer nije zaprimljena nijedna prihvatljiva ponuda, a na osnovu člana 69., stav 2., tačka (d) Zakona o javnim nabavkama („Službeni glasnik BiH“, broj 39/14, broj 59/22).

U postupku ocjene provedenog postupka, Direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Iz navedenih razloga, primjenom člana 69., stav 2., tačka (d) Zakona o javnim nabavkama („Službeni glasnik BiH“, broj 39/14, broj 59/22, broj 50/24) odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

DIREKTOR:

Pašalić Emir, dipl.ing.građ.



DOSTAVLJENO:

- 1 x Ponuđačima
- 1 x Tehnički direktor
- 1 x Dir.za razvoj i invest.
- 1 x Pom.dir. za pravne poslove
- 1 x Pom.dir. za ekonomske poslove
- 1 x Odjeljenje za javne nabavke
- 3 x Članovima Komisije
- 1 x Sekretar Komisije
- 1 x a/a